

**Siunnersuut uunga: Suliffissarsiortunut ikiorsiissutit pillugit Inatsisartut inatsisaannik allannguiq pillugu Inatsisartut inatsisaat**

(Qaqugukkulluunniit tamanut ammasumik suliffinnut nittartakkami il.il. suliffissarsiortutut nalunaarsortinneq)

**Saqqummiussissut**

(Isumaginninnermut, Suliffeqarnermut Nunamullu Namminermut Naalakkersuisoq)

**Siullermeerneqarnera**

Matumuuna Naalakkersuisut suliffissarsiortunut ikiorsiissutit pillugit Inatsisartut Inatsisaata allanngortinneqarnissaa pillugu inatsisartut inatsisissaattut siunnersuut saqqummiuppaat.

Suliffissarsiortunut ikiorsiissutit pillugit Inatsisartut inatsisaat, suli atuutilersinneqanngitsaq, Inatsisartut Upernaakkut Ataatsimiinneranni 2022-mi akuersissutigineqarpoq.

Inatsisartut inatsisaanni § 7-imi piumasqaataavoq, suliffissarsiortunut ikiorsiissutininik pisartagaqartut nittartakkami [www.suli.gl](http://www.suli.gl)-imi suliffissarsiortutut eqeersimaartutut nalunaarsuqqassasut kiisalu CV-qassallutik.

§ 7-imi ilanngullugu piumasqaataavoq suliffissarsiortunut ikiorsiissutininik pisartaqartut, nittartakkami minnerpaamik sapaatip akunneranut ataasiarlutik suliffissarsiortutut eqeersimaartutut nalunaartassasut.

Siunnersuut teknikimut tungassuteqarpoq, ”tamanut ammasumik digitaliusumik aaqqiissummut Naalakkersuisut innersuussutigisaannut” nalunaarsuineq pisassasoq erseqqissaanerulluni.

Siunnersuummi naggataatigut qulakkeerneqarpoq, Naalakkersuisut qaqugukkulluunniit tamanut ammasumik digitaliusumik aaqqiissut, taassuma iserfigineqarsinnaanera kiisalu Kalaallit Nunaanni Qitiusumik Ingerlatsivinnut Majorianut attaveqarnissamut paasissutissat pillugit paasissutissanik tamanut saqqummiisarnissaat.

Taamaalilluni qulakkeerneqarpoq, innuttaasut Inatsisartut inatsisaanni malittarisassat naapertorlugit suliffissarsiortutut nalunaarsornissaminnut pisussaaffeqartut, aamma sumi (tassunga ilanngullu digitaliusumik aaqqiissut sorleq atorlugu) nalunaarsuineq pissanersoq pillugu paasissutissat pisariaqartut pissarsiarisinnaagaat.

Taamatut oqaaseqarlunga immikkoortup Inatsisartunit suliarineqarnissaanut ingerlateqqippara.